

國

語

三
冊



國語卷第九

晉語三

韋氏解

惠公入而背外內之賂

惠公獻公庶子重耳之弟惠公夷吾也外秦也內里季也

輿人誦之

輿衆也

不曰佞之見佞果喪其田

佞善爲

里季受惠公賂田而納之見佞謂惠公入而背德也

詐之見詐果喪

其賂

詐謂秦以詐立惠公入而背德也

得之而狂終

逢其咎

謂惠公也狂伏

喪田不懲禍亂其興

鄭與謂不

田不懲艾復欲與秦共納重耳惠公殺之秦

既里季死

既里已也惠公二年春

禍公隕於韓

禍公以歸隕其禍秦伐晉戰於韓獲惠十五年郭偃

曰善哉夫衆口禍福之門

偃晉大夫善與人禍福之誦門

是以君子省衆而動

動行

監戒而謀謀度而行

也監察

揆也察衆口以爲戒

故無不濟內謀外度考省不倦

也日考而習戒備畢矣

日自考省習而行之

惠公卽位出共世子而改葬之臭達於外共世子申

時申生葬不如禮故改葬之惠公蒸於獻公夫人賈君故申生臭達於外不欲爲無禮者所葬唐以賈君

爲申生妃非也傳曰國人誦之曰貞之無報也孰是

人斯而有是臭也賈唐云貞正也謂惠公欲以正禮

斯也或云貞謂申生也人有是臭者言惠公使貞爲不

聽以不正葬之信爲不誠而信不見行之國斯無刑偷居倖

生刑法也言惠公偷不更厥貞大命其傾正不變更其

傾也威兮懷兮威畏也懷思也言國各聚爾有以待

所歸兮爾有所猗兮違兮心之哀兮言猗歎也違去也

上安土重遷歲之二七其靡有徵兮二七十四歲後

徵者亦亡若狄公子吾是之依兮謂重鎮撫國家爲

王妃兮言重耳當伯諸郭偃曰甚哉善之難也難難

君改葬共君以爲榮也而惡滋章夫人美於中必播

於外而越於民民實戴之美善也播布也越惡亦如

之故行不可不慎也必或知之十四年君之冢嗣其

替乎冢嗣太子也替滅也其數告於民矣數謂二七公子重耳其入

乎其魄兆於民矣魄形也兆見也若入必伯諸侯以見天子

其光耿於民矣耿猶也昭也數言之紀也謂言者紀其數也魄意之

術也意民之志也術導也魄兆見而民志隨也光明之曜也紀言以敘之

敘述也述意以導之導開也明曜以昭之不至何待欲先

導者行乎先導為重耳導引者可也將至矣

惠公既殺里克而悔之曰芮也使寡人過殺我社稷

之鎮芮冀芮也鎮重也郭偃聞之曰不謀而諫者冀芮也不

圖而殺者君也不謀而諫不忠不圖而殺不祥不忠

受君之罰不祥罹天之禍受君之罰死戮戮辱也罹天

之禍無後無後也志道者勿忘將及矣志識也及至也及文公

入重文公秦人殺冀芮而施之冀芮既納文公而悔將殺之文公知之潛會秦

伯于王城冀芮焚公宮求公不得遂如河上秦伯誘而殺之陳尸曰施

惠公既即位乃背秦賂使平鄭聘於秦且謝之謝不

而殺里克曰子殺二君與一大夫二君奚齊卓子為

子君者不亦難乎平鄭如秦謝緩賂緩遲乃謂穆公

曰君厚問以召呂甥卻稱冀芮而止之止留也問聘也謂報平鄭

聘之以師奉公子重耳臣之屬內作晉君必出屬七與大夫出

也奔穆公使泠至報問泠至秦大夫且召三大夫鄭也與客

將行事客泠至也將行冀芮曰鄭之使薄而報厚禮薄

幣少其言我於秦也必使誘我弗殺必作難是故殺平

鄭及七輿大夫七輿申生下軍共華賈華叔堅驪歛

纍虎特宮山祁皆里平之黨也平豹出奔秦豹平平

鄭之自秦反也聞里克死見共華曰可以入乎共華

曰二三子皆在外而不及也二三子七與大夫子使於

秦可哉入也以平鄭入君殺之共賜謂共華共賜華之族晉

夫曰子行乎其及也將行去也其共華曰夫子之入吾

謀也將待也將言己誤平鄭賜曰孰知之共華曰不可

知而背之不信謀而困人不智為謀不中困而不死無

勇任大惡三行將安入也任荷子其行矣我姑待死共子

賜平鄭之子曰豹出奔秦謂穆公曰晉君大失其衆

背君賂殺里克而忌處者衆固不說忌惡也處者今

又殺臣之父及七輿大夫此其黨半國矣君若伐之

其君必出穆公曰失衆安能殺人人謂里平及且夫

禍唯無斃斃死也罪不至足者不處則罪足以死處者

不足處國者不死也勝敗若化化言轉化無常也猶平以

禍為違孰能出君而違去其國誰能出君乎爾俟我待

也待我圖之

晉饑

在魯僖十三年

乞糴於秦平豹曰晉君無禮於君衆莫

不知

無禮也

往年有難今又薦饑難謂殺里平之已

失人又失天其有殃也多矣君其伐之勿予糴公曰

寡人其君是惡其民何罪天殃流行國家代有代更

補乏薦饑道也不可以廢道於天下薦進謂公孫枝

曰予之乎

枝子桑也

公孫枝曰君有施於晉君晉君無施

於其衆今旱而聽於君其天道也

聽聽命於君

君若弗予

而天予之

予之年

苟衆不說其君之不報也則有辭矣

苟使晉衆不說惠公不報秦施今不

不若予之以說

其衆衆說必咎於其君其君不聽然後誅焉雖欲禦

我誰與是故汜舟於河歸糴於晉

汜浮也歸秦

饑公

令河上輸之粟

秦河上所許

號射曰弗與賂地而予之

糴

號射晉大夫

無損於怨而厚於寇

厚猶也

不若勿予公曰

然慶鄭曰不可

慶鄭晉大夫

已賴其地而又愛其實

賴實

穀也忘善而背德雖我必擊之

我當處秦我亦將擊晉

弗予必擊

我公曰非鄭之所知也遂不予

六年秦歲定

惠公六年魯僖公十五年定安也穀熟則民安

帥師侵晉至於

韓

韓晉地韓原

公謂慶鄭曰秦寇深矣奈何

深入境深也

也慶鄭曰君深其怨能淺其寇乎非鄭之所知也君

其訊射也

訊問也射號射也

公曰舅所病也

病短也諸侯謂異姓大夫曰舅

卜

右慶鄭吉

右公戎車之右

公曰鄭也不遜以家僕徒為右

徒晉大夫

步揚御戎

步揚晉大夫御戎御公戎車

梁由靡御韓簡

夫韓簡晉卿韓萬之孫

號射為右

為簡車右

以承公

承次公車也

公禦秦

師令韓簡視師曰師少於我鬪士眾

欲鬪者眾

公曰何故

簡曰以君之出也處己

己秦也處己在梁依秦

入也煩己

為秦所立

饑食其糴三施而無報故來今又擊之秦莫不愠愠怒

也晉莫不怠怠受其施也鬪士是故衆公曰然今我不

擊歸必狃狃秦必狃也一夫不可狃而況國乎

公令韓簡挑戰先挑戰敵曰昔君之惠也寡人未之敢

忘寡人有衆能合之弗能離也弗能離言衆欲戰君若還寡

人之願也君若不還寡人將無所避穆公衡彫戈出

見使者衡橫也彫鏤也曰昔君之未入寡人之憂也君

入而列未成寡人未敢忘列位也今君既定而列成君

其整列寡人將親見若云朝見實欲戰也客還公孫枝進諫曰

昔君之不納公子重耳而納晉君是君之不置德而

置服也置而不遂擊而不勝遂成也其若爲諸侯笑何

君盍待之乎待其亂將自斃穆公曰然昔吾之不納公子重

耳而納晉君是吾不置德而置服也然公子重耳實

不肯吾又奚言哉殺其內主謂里平也背其外賂外秦也彼

塞我施若無天乎言云晉所行若無有天也若有天吾必勝之天道

助勝也故君揖大夫就車君鼓而進之晉師潰戎馬濇

而止濇深泥也戎馬陷焉公號慶鄭曰載我號呼也慶鄭曰忘善

而背德又廢吉卜卜公廢不用何我之載鄭之車不

足以辱君避也難避也梁由靡御韓簡輅秦公將止之

輅迎也慶鄭曰釋來救君釋舍也亦不克救君遂止于秦

止獲也秦所獲也穆公歸至于王城王城秦地合大夫而謀曰殺

晉君與逐出之與以歸之與復之孰利公子繫曰殺

之利子以爲臣絕望逐之恐構諸侯構交也以歸則國家多慝

慝惡也恐知國復之則君臣合作恐爲君憂不若殺

之公孫枝曰不可恥大國之士於中原又殺其君以

重之子思報父之仇臣思報君之讎雖微秦國天下

孰弗患

微無也雖無秦國天下諸侯

公子繫曰吾豈

將徒殺之

徒空也

吾將以公子重耳代之晉君之無道

莫不聞公子重耳之仁莫不知戰勝大國武也殺無

道而立有道仁也勝無後害智也公孫枝曰恥一國

之士又曰余納有道以臨女無乃不可乎

雖立有道君父之恥

未刷

若不可必為諸侯笑戰而取笑諸侯不可謂武殺

其弟而立其兄兄德我而忘其親不可謂仁若弗忘

是再施不遂也不可謂智君曰然則若何公孫枝曰

不若以歸以要晉國之成

要結也

復其君而質其適

子使子父代處秦

代更也

國可以無害是故歸惠公而

質子圉

子圉惠公適子懷公

秦始知河東之政

秦取河東之地而置官司故云

知河東之政在魯僖十五年

公在秦三月

內傳公以九月歸獲十一月

聞秦將成乃使卻乞告

呂甥

甥郤乞晉大夫呂甥也

呂甥教之言令國人於朝曰君

使乞告二三子曰秦將歸寡人寡人不足以辱社稷

二三子其改置以代圉也

欲今更命立他公子以代子圉言父子避位以感羣

下且賞以悅衆衆皆哭焉作轅田

賈侍中云轅易也爲易田之法賞衆

以田易者易疆界也或云轅田以田出車賦非也唐曰讓肥取磽欲賞以悅衆而言以田出車賦非也

也呂甥致衆而告之曰吾君慙焉其亡之不卹

也卹憂也而羣臣是憂不亦惠乎

憂謂改立君賞羣臣作轅田

外若何衆曰何爲而可

何所施爲

兵甲盡矣

病敗也

若征繕以輔孺子以爲君援

言當賦也

睦兵甲益多好我者勸惡我者懼庶有益乎衆皆說

焉作州兵

二千五百家爲州使州長各帥其屬繕甲兵

呂甥逆君於秦穆

公訊之

訊問也

曰晉國和平對曰不和公曰何故對曰

其小人不念其君之罪而悼其父兄子弟之死喪者

謂韓之戰不憚征繕以立孺子曰必報讎吾寧事齊楚齊

楚又交輔之也交夾其君子思其君且知其罪曰事秦

有死無他故不和比其和之而來故久公曰而無來

吾固將歸君國謂君何對曰小人曰不免君子則否

公曰何故對曰小人忌而不思忌怨也不思願從其

君而與報秦子君謂是故云不故言其君子則否曰吾君

之入也君之惠也能納之能執之則能釋之德莫厚

焉惠莫大焉納而不遂廢而不起以德為怨君其不

然秦君曰然乃改館晉君改更也初秦伯拘晉侯於

客饋七牢焉牛羊豕為一牢饗曰君之止子之罪也

惠公未至蛾析謂慶鄭蛾析晉曰鄭也聞之曰軍敗死

止獲也今君將來子何俟慶鄭曰鄭也聞之曰軍敗死

之將止死之二者不行又重之以誤人而喪其君有

大罪三將安適

適之也

君若來將待刑以快君志君若

不來將獨伐秦

獨師其屬

不得君必死之此所以待也

不待此也

臣得其志

志謂出奔

而使君薈是犯也

薈慙也犯

君行犯猶失其國而況臣乎公至于絳郊聞慶鄭止

使家僕徒召之曰鄭也有罪猶在乎慶鄭曰臣怨君

始入而報德不降

不自降下而背秦

降而聽諫不戰

慶鄭諫公使與

秦糴之可以

公降心而不戰

戰而用良不敗

良善也卜

右慶鄭小

駟不用良故敗

既敗而誅又失有罪

若鄭出亡是失有罪

不可以封國

守不可以

臣是以待即刑以成君政君曰刑之慶鄭曰

下有直言臣之行也

行道也

上有直刑君之明也

言刑殺得

正此人

臣行君明國之利也君雖弗刑必自殺也蛾

析曰臣聞奔刑之臣

奔趨也

不若赦之以報讎君盍赦

之以報于秦梁由靡曰不可我能行之秦豈不能行

之謂能赦罪以報讎也秦豈獨不能乎且戰不勝而報之以賊不武出

戰不克入處不安不智出戰不克謂韓時也入處不

安成而反之不信成平也與秦始平失刑亂政不威

有罪不殺為失刑失刑則威不行出不能用入不能治敗國且

殺孺子孺子子圍也秦復惠公而不若刑之君曰斬

鄭無使自殺家僕徒曰有君不忌有臣死刑忌怨也其

聞賢於刑之梁由靡曰夫君政刑是以治民不聞命

而擅進退犯政也言慶鄭快意而喪君犯刑也鄭也

賊而亂國不可失也且戰而自退退而自殺臣得其

志君失其刑後不可用也不可復君令司馬說刑之

司馬軍司馬說其名司馬說進三軍之士而數慶鄭曰夫韓之

誓曰失次犯令死次行列也將止不面夷死將帥也

夷傷也僞言誤衆死今鄭失次犯令而罪一也鄭擅進

退而罪二也女誤梁由靡使失秦公而罪三也君親

止女不面夷而罪四也鄭也就刑慶鄭曰說三軍之

士皆在此皆在有人能坐待刑而不能面夷言我坐待死而不能

面夷乎怨君不用忠信忌善背德趣行事乎其趣司馬行丁丑斬慶鄭

乃入絳十五年惠公卒懷公立懷公十二年自秦逃歸二

秦乃召重耳於楚而納之晉人殺懷公於高粱晉地

而授重耳實爲文公

國語卷第九